

普陀山志

重修南海普陀山志卷之十八

粵東歸善黃應熊飛渭叅定

古閩同安許琰瑤洲編輯

法雨住持釋明智法澤校訂

國朝詩咏

恭紀普陀盛事卻寄

宛平王熙大學士

紺殿南溟古朱提北闕新
一人開有慶萬劫永無塵
望後迷前路題詩記夙因
願將清淨水遍灑八荒春

遣孫德倅進香普陀有賦

崑山徐乾學尚書

南海吾聞說北堂爾侍行
有波皆靖晏無地不昇平
紺

宇雲霄出丹芝島嶼生寄聲今慧遠白社俟題名

登南天門題山海大觀于石上有賦

漳浦

藍理提督

東西門旣列午闕可無開海不揚波地山偏盡日雷鐘
鳴刁斗靜帆動象龜來何必燕然石始稱漢將才

遊洛伽山

溫陵

施世驃提督

洛伽幽勝迴浮埃公暇探奇鼓棹來萬國風行鯨浪息
千巖雲歛寶幢開勞生跡愧旂林地入世心澄般若臺
最喜磐陀梯絕頂滄波東去望蓬萊

訪潮音和尚和王荊公登洛伽山原韻

華亭陸祖修杜史

幾年菩薩地重見道場開法向海南說名看日下來佛
緣隨願滿鄉夢自春回師爲同郡人便作潮音禮心知絕點
埃

白華菴贈者英大師

前人

師住名山六十年化城幾度見滄田白蓮花發重栖定
紫竹林深又結禪萬斛潮音香界落一龕佛火海天懸
前身我亦爲居士丈室長期證法緣

宿白華菴贈剖疑禪師

前人

白華巖下法堂開白玉爲階絕點埃自關門庭成祖席

天留水月禮香臺生前見佛無他路刼後談空有辨才
風雪一燈春睡好枕頭又聽子潮催

洛伽洪澤上人以法雨寺殿工告成來京別公有
書候余作詩荅之

慈谿 姜宸英 探花

後寺吾曾到前蹤未可期重開金刹地來報玉皇知去
影惟留拂隨身不挂絲欲憑書問訊擬議竟何辭

贈潮音和尚

前人

一從得記歸山寺手種青松百尺長臺下猿啼辭法杖
鉢中龍起護慈航重開刼地鋪金刹盡咒波宮作道場
不信請君池上看蓮花池外已無洋

都門寄別公和尚時往金陵募脩大殿隨以殿材
航海歸故及之

前人

養得如如不動心偶然行脚出空林聞風競拜彌天釋
渡海爭傳布地金高下山林朱榜字去來潮響貝多音
嗟余五宿禪宮夜問法安知法淺深

送潮公和尚還山

漳浦趙炎

身爲南海主錫向五茸飛世態看常幻名山跡可依
賜金光梵刹留玉重禪扉師去空遙禮來潮信不稀

送通玄上人還山

婁縣周志伊

蓮社曾經十載同錫飛忽復向春風自言舊院今無主

不道東林可少公海水有期安一葦嶺雲無恙坦孤櫻
他時欲覓梅岑路爲寄潮音到九峯

寄潮音和尚

鄞邑范煒中書

到來知寺古別久覺情新石點無邊岸花開不盡春著
經忘已倦飛錫許相親爲有生公在殷勤憶故人

贈別菴和尚

紹興呂鑣烈

一覺宗風振海東安禪龍窟梵王宮錫飛鷲嶺天花落
春暖峩睂山雪融復渡慈航瞻大士重來聽法說生公
望洋開示迷津路歸棹雲門彼岸通

憶普陀寄潮公

會稽陶式玉杜史

萬山若拜紫煙分，海浪新成貝葉紋。
記得隨君雙洞去，夜看明月曉看雲。

普陀次陸敬峯韻贈潮公

石門沈寧郡守

一片莊嚴海青蓮，次第開人登彼岸。
去佛向此中來祖印，重提唱宗風互挽回。
天親與無著言下絕纖埃。
時祖印寓在座

遊洛伽山

祥符周聖化知縣

絕海浮空島嶼靈，上方宮闕倚天青。
纖雲未作雷千里，穉日初生錦一屏。
鳥出啣香花不落，龍歸聽法殿無腥。
蓬萊清境非人世，好斲珊瑚葢草亭。

普陀山志

卷之十八

記勇

四

磐陀石

鄞邑萬

言貢生知縣

何年巨靈展雙手劈盡千山萬山後餘枝猶能向此間
點綴峯巒無不有觀音洞裏石玲瓏觀音洞外石相負
層層枕壓巨細橫大石如岡亘其首上承一石狀如菱
坐有百餘人可受底平一線曾不連點者隙處支碎甃
其旁大石復數尋前有二石龜形醜豈因頑石能點頭
龜來聽法亦所偶吾謂磐陀如片雲或者菩薩乘之來
洞口巨鼉鼓戢忽相遇遺此海濱當石紐望夫老婦能
化石况茲靈物千年久指看磐石有時飛雨龜眼赤應
能走

丹井

前人

丹竈無存永已灰
一泓泉水碧山隈
須知當日乘槎意
不爲求仙海上來

咏普陀

十首存二

仁和

廬

琦

學士
侍郎

不挂西來百衲衣
寶冠瓔珞啓朱扉
宮中萬古皈依地
六月祠官海上飛

其二

葛井梅岑蹟較奇
吳門勾漏隱何時
磐陀石上三生話
蝴蝶莊周兩不知

觀普陀山圖

丹徒

張思默
舉人

大士慈悲可衆心及時重拓古禪林南朝銅瓦千年物
不覆臨春蕊梵音

其二

函香使者到名山僧自倉忙佛自閒歸報精藍全整頓
更圖仙景悅天顏

法華洞

漳浦洪陳斌游擊

遊山須選峯峰峯必造極試問何處佳法華最奇特開
豁發精神幽邃引胸臆上下巧穿插東西任眺陟高瞰
不疑危深入鮮僻仄徑多曲而通泉香深且湜老樹薜
蘿扶千林絕荆棘小閣懸無腳孤亭俯垂翼欲雨見雲

根侵晨收旭色我擬作斯圖世無妙筆墨頗疑混沌初
鬼工肆深刻

梅菴

前人

神仙有窟宅浮槎訪遺蹟胸次懷高風到來乘暇隙鳥
道薜蘿間逶迤幾千尺林端出清光隱隱露屋脊披襟
坐樹根望之意甚適少憩精廬傍侶坐煉丹石古仙不
度人老僧不揖客取紙書語言聊爲導者譯盆石起千
峯茶煙幻五色奇事與奇觀良可資談劇卻憶浩然亭
梅菴從此易

晤潮公

前人

君堪方外友我豈世中情舊詠挑燈讀新茶接雨烹因
閒分佛火不寐理濤聲殿角雷門鼓賢愚共一驚

送別公和尚歸補陀

續水王 槩

長汀本豐順東山復廣額既稱天人師自薄衰老像壯
齒樹風標四衆益皈嚮吾師毓西川奇姿得天貺承法
當英年窮源及濟泐上宗徑山杲遠祖南嶽讓派延一
綫宏心企千禪上徑山大慧禪師得法徒九十四人俱
數傳而止惟德菴一派賴以流傳至
公大放足來東南探奇問台蕩迢迢洛伽山福地何蕭
爽駐錫憺羣情水月副心賞浩渺蓮花洋是爲真供養
况復巖洞間時有金光晃草木紛靈踪心地愈開朗先

是殿楹燬觸目徧榛莽龍象無復存但有印石掌每每
捕魚人巡行憶懷愴師至山不空興復道緣廣鑄像來
江南兼金錫內帑師亦急乘機不惜雙葛韜盛暑履清
溪首先問吾黨欣然過湖村披衷慰宿想禪度實澄泓
禪韻復無兩爲擬秋氣深追隨入茅蔣策杖穿霜林臨
屋發清響今忽理歸舟荷花插雙槳別我還山中使我
神慙恍裁素愛名山相期身獨往載月泛海槎聞鐘扣
方丈作記續長卿題名近齋榜遂茲海外遊庶解塵俗
鞅今先送師歸預爲設書幌無愁唱輪多搗紙裕魚網

達磨峯

華亭吳騏

蕭梁臺殿草茸茸
面壁親傳少室宗
隻履西歸無覓處
惟留明月照孤峯

磐陀石

何辰生

見說磐陀著地靈
普門曾此坐談經
二龜何事翻成石
想是當年不解聽

潮音洞

江陰
繆燧知縣

層岡如欲渡臨虛
凝負鼇崖洞深不測
曲折藏波濤相傳
觀音現恐是蛟龍
巢地底鳴空雷晝
夜風怒號複島走
相向延亘環週遭
憑臨不敢窺激浪
漪衣袍海潮駕羣
峯顧盼引興豪孤
立當秋風俯仰宇
宙高

梅岑

前人

子真隱吳市胡爲在海涯豈慕巖谷幽與佛成一家梅
岑留遺跡高迴凌青霞我來當三月蒲林杜鵑花披襟
一長望海濤浴浮槎三山如可到蓬萊路不賒稚川晚
得道豈真在丹砂一令復一尉超然不可階

梵音洞

武進孫渭

補陀山左澗壑深懸崖拍浪峯欹嶽歷級下上四五折
手捫足躡時驚心水石搏激無晝夜不斷轟雷成古今
何年斧劈兩壁分日暮風雨蛟龍吟洞門直下百千尺
望之杳冥生寒陰霞光倏眼照石壁俯首瞥見觀世音

石欄匍伏嘆靈異儀容端靜披紅襟有時鸚鵡鳴洞口
視之未久無追尋

磐陀石

前人

洛伽二百里巨石不可數磐陀獨標異其以神佛故方
廣十餘丈崖顛誰輦附念彼觀音力黃金可地布說法
驚波濤兩巔競相赴至今巖石上昂首吐煙霧聽法豈
無人水族反得度千載留磐石令人屢廻顧

遊普陀

王大捷

入山忘凡想雲水自幽靜孤嶂有餘好廻巒互掩映上
是大士堂下是芳草徑樹深饒奇采洞古發清磬疑非

人間世客心與禪定

過普陀

徐州張彪

一抹疎林感素秋，蓮花洋盡見經樓。
金銀宮闕三山景，烏鵲帆檣萬里流。
徐市至今居遠嶼，衛溫自昔到夷洲。
求仙不遂還求佛，稽首慈雲豈浪遊。

過普陀

上谷褚國柱

蕭寺天開浩渺中，偶來乘興訪支公。
千重古樹和雲碧，萬派秋濤浴日紅。
峭壁迴時流急湍，幽宮深處掛殘虹。
樓遲野鳥閒舒卷，疑似山頭趁晚風。

遊普陀

晉江黃洽

大士橋邊月流光萬里餘連天增浩瀚匝地托空虛軍
吹嚴荒戍神燈下佛廬夜寒投止宿禪榻有儒書

登梅岑

吳瞻泰

春雲天地綠灌木落寒峭何圖入海南子真領其要鹿
裘念一夫幽栖有同調嘗聞三神山方士久不報靈砂
得真鉛眼底燒丹竈茶寮植鐵蕉安榴賴照耀異境除
塵纓禽鳴宛先導淙淙疏清泉海月動微嘯

贈潮公和尚

平湖陸光曙

鷺峯飛錫駐南天高唱宗風海國傳春到梅花拈雪後
山餘栢子蔭庭前光明藏與千波湧殺活機分一劍懸

愧我儒冠忘歲月出鷺消息尙茫然

香爐翠靄

富沙

方曰璉

明府

絕巘天花落紫檀霏霏煙雨罩闌干
鼎中火候誰人議一段幽香勝麝蘭

梵音洞

富沙

方允猷

明府

想像如來極目希梵音靈洞得稀微
水簾半捲黃金面寶蓋深籠翠柳衣
潮鼓盡成仙鼓樂山光俱是佛光輝
忽然一陣香風起疑見雪花鸚鵡飛

天中節集法堂

汪士鋐

扶疎廣砌海榴紅法雨天花散碧空
佛國莊嚴超世外

仙家遊戲越寰中人來優鉢青蓮上地是扶桑弱水東
莫道釣鼇星漢客白華新署老漁翁

潮音洞

慈谿張澧

水勢奔騰峭壁開半空雪浪似鳴雷相傳大士從中現
一日天花散幾回

復遊普陀

鎮海謝萬欽

勝地從來不倦遊尋幽依舊過林邱老僧前度曾相識
茅屋今朝復小留風捲波濤聲疊壯天開石塔影層浮
生平愧我多飄泊長嘯何時學隱流

潮音洞

慈谿裘璉

巨靈劈奇石岸海豁深洞中廣如室房其顛裂罅縫下
窺竇以深勇者生奇恐怒濤澎湃來狂飈善激送一觸
迅雷轟再觸鉅鐘從天地殊晦冥林樾相震動巨浪倏
吐吞盈涸在操縱來驚瀑布飛迴駭明珠弄誰擊冰壺
碎瓊瑤錯萬種當其疾怒時下拒乃上湧乘竅迅躍騰
灑面成霧淞不知濤作雨驚身墜崖空造化工幻戲神
聖假示衆哀哉洞口人何時醒塵夢

贈普陀西堂自修大師

前人

儒門與禪庭久衰誰能起初意中有人十年不屈指修
公獲我心孤雲湛秋水夫我何爲者雙瞳絕纖滓素胸

原已拓茲遊良益美崇岡小振衣洪濤試洗耳次瀟無
一物坦然受妙理道林靡靡談慧遠遙遙吉圓處既無
際虛中實所倚不必熟楞伽但覺寸心喜數見不妨鮮
剪燭寢可已但愁秋風高吹帆出蓮渚久要良不忌干
峯詎隔紙努力相仔肩大道無彼此

隱秀菴贈舜衷上人

前人

幽谷精藍滿行行隱秀遙林深能做雨峯轉不聞潮頑
石生公點

菴後有點頭石相傳亦以大士說法也

丹泉仙尉招到來塵路

絕清思對圓瓢

過在璿禪師新構伴山精舍有贈 前人

嫌塵蕭寺未全除更向濤端小卜居得我性情爲好友
留山面目是精廬茗新爐舊香偏和花潔泉清味有餘
事事對君人世外浮生半日卽非虛

青玉澗與別公小憇

前人

一澗泠泠徹底清鏡人心影得嘉名誰言觀海難爲水
雨後飛泉十丈瀾

梅岑仙井

前人

壽春仙尉早忘家避地終浮海外槎一斛澄波瀛萬頃
至今猶宿漢煙霞

寄潮音和尚

仁和
高興

海湧孤峯古剎幽晨昏鐘磬震經樓法門龍象推尊宿
獅座宣揚石點頭

宿隱秀菴贈旣賢師

鄞邑 李文斗

每憶清談支遁如十年錫傍子雲居一從天外浮金鉢
競說山中禮玉書海若聞鐘濤不怒庭前留樹月偏疎
出藍更有多才譽賜紫應同萬歷初

梵音洞

天都 吳 菴

山水多奇緣况復挾勝侶磴道尋梵音上下身軀儂夾
壁自摩天未闢五丁斧憑欄窅然深滄海一壑貯雪噴
萬古雷簾捲四時雨掀髯一老人白晢半可覩倏忽妙

色相莊嚴手揮塵冉冉下金身觀者蓋如堵長干湧浮
圖瑞靄于絲縷自謂最靈貺對此難比數浩蕩愜幽懷
翰飛出塵宇

潮音洞

鄭邑李 嗽

兩日得追隨遊子怯脚力徘徊不敢前僕夫請少息人
生名勝區一失難再得攝衣直前行不覺重嶺陟風逼
萬樹斜沙鬆雙屨沒潮音條入眼使我肅胸臆我思清
淨根心契無相色見者固渺茫傳者復逆億天窓洞頂
開紫竹壁間匿潮頭激丈餘旣揚還復抑上湧山頭傾
下湧山脚拭神龍數千丈來去生羽翼聽言方擬議暮

鐘喧耳側急歸恐逋亡奚童呈筆墨

山法雨寺至梵音洞

前人

入山愛早涼飯罷不敢坐逐隊將緩行跛兮嗟無奈狂
風推竹拋送我山頭過雪浪噴危崖一個復一個色令
吾目眩響使吾心怖蕭蕭竹木聲况復與之和梵音海
口懸兩岸淺不大壁陟戰老身足行以手佐我欲與佛
言旱久人盡餓甘露作甘霖我頭磕宜破

晤潮公

前人

八年飛錫憶招提一笑相迎慰渴飢喜有法幢隨五鹿
豈無妙侶聽雙龜煙霞語出天工巧蔬筍風除佛地奇

太白當時曾索句兩人猶未長鬚眉

別別公和尚

前人

萬里西來一錫飛擬將詩句闢禪機也知病在難言別
卻爲樽空便欲歸千尺洛伽依道德九州士女走光輝
從今海道渾無礙再撲荷香侍石磯

遊洛伽山

落陵 何洪先

昨夢佛菩薩小白華打坐朝朝風信阻悶悶其何奈不
趁此時遊光陰徒錯過夜來駭浪息漁舟呼兩個心誠
二人同風順一帆搖須臾登彼岸歡喜同聲和洛伽比
巖峯孰小而孰大普賢與觀音誰輔而誰佐大士能救

青陽山志 卷之六
苦衆生免凍餓自從皈依後塵勞都覷破

大風登磐陀石

前人

風起日當午振衣石上坐心搖石似動肅然亦無奈南
溟幾萬里瞬息乘風過能泯恐懼心舍佛無別個百千
萬億身聲名洋溢播一聲南無佛此倡而彼和磐陀一
拳石看來如許大說法度衆生裁成兼輔佐人溺如已
溺人餓如已餓千古菩薩心聖賢久說破

法華洞

鄧邑 張超宗

雨晴春色滿巖前散步尋幽小洞天忽訝山空通碧磻
旋經石室接清泉昌黎只解稱盤谷摩詰徒能畫輞川

試問法華如可借便須從此謝塵緣

正趣亭舊名坐坐亭

前人

孤亭坐坐夕陽斜百折千重路轉賒山鳥似知來客意
連聲啼上杜鵑花

贈潮公和尚

慈谿馮鎰

海國清寧日吾師道廣時名山需再造法雨望重施卓
錫天龍護譚經山鳥窺幡幢輝麗日魚磬徹香帷

法雨寺晚眺

常州孫渭

暮色起北山青靄含萬樹三峯接霄漢蒼茫墜煙霧繚
繞澗壑雲悠然自來去危石松頂懸徬徨屢驚顧何年

梅子真采藥於此住

月中走千步沙

前人

千步堪留月祥光散碧霞遠看金布地近泛浪成花水
氣雲飛絮波聲雷駕車慈航如可渡此夜擬乘槎

普陀夜月聞潮

彭城 徐益哲 別駕

真見蓮花捧世尊初從汎海出蛟門陰晴不斷驪龍睜
潮汐時驚白馬奔霜冷氣涵天盡濕山搖浪湧地無根
葛仙梅尉皆堪訪別有蓬萊豈足論

梅岑菴懷古

崑山 朱 謹

入吳爲健卒泛海作仙人抱節游于世隨方寄此身大

丹竈日月小隱咎君親留得崖前水涓涓蓄萬春

寓西寮仁德堂作

前人

暮年猶踏海至此未還家夢過如飄葉春殘又落花客
心憎筆硯儒業羨袈裟何似山頭石無情閱歲華

寓白萃菴贈耆長老

前人

妙諦宣揚日曼陀墜曉空至今巖石畔猶有落花風地
近西南麓門開紺碧叢景光收不盡天縱爾禪翁

其二

訪古意何極還窺真歇泉菴池涵遠脉見水憶真禪人
立高雲下山橫旭日邊宗風多後起一勺是心傳

庚寅臘月有征海之役維舟普陀重晤在璿禪師
喜而賦贈

廣寧馬三奇將軍

長憶名藍迥絕塵重來猶見素心人山中忘卻金戈鬧
座上時聞玉屑醇家在閩南同此海燈傳臨濟接前津
憑君細數當年事兩世相逢有夙因

征海重過普陀適珂月和尙出吳門迎請龍藏懷
舊留贈

前人

歷盡青螺海上山顛風怒浪未曾閒祇知舟與江南遠
不信人從浙水還靈壑昔曾瞻大士遙天今復叩禪關
一杯誰料雲光渡舊雨新晴付白鵬

同織造府送

御匾至普陀

千山江國楨海憲

一色茫茫玉作堆看潮湧去看潮回
乘槎不見風波險
擇得

君王睿藻來

重登磐陀石望海

前人

不到名山又一年二龜依舊石如前
東洋渺渺添新景
曉日隨波上下圓

時以汎居山隨喜南天門有作

周全

絕壁層層樹法幢瀛洲臺館接扶桑
遙聽梵唄來天際

別有煙霞出上方
龍卧夜潭波影白
花殘春晝磬聲長
幾迴潮漲人難渡
卻勝天台有石梁

登普陀

古園楊景都督

特地辭塵入勝緣
超然身已在青蓮
象龍遙集三千界
樓殿重開數百年
香閣曉飛晴靄濕
珠林春放白華妍
了知衆相原無著
性海澄澄有渡船

同部堂孫公送內造佛相入山恭紀 范昌治

昭代崇西竺
佑民施聖教
金身內府裝
範相殊嚴妙
天衣妥半肩
青蓮光照耀
航海入名山
特奉

天王詔
鯨波坦不驚
魚龍息狂嘯
當知佛力慈
四生同

一照于我亦何心乘風登海嶠與觀入勝界開顏共含笑甘露洒心胸祥風訖邊徼用祝聖堯年同賡擊壤調
戊申春送法澤禪師募米臺灣還山

同安陳倫炯總鎮

二十年前渡洛伽君隨師後未袈裟傳衣已振禪堂錫
托鉢今浮海外槎蠻岫遙看思寶嶺鯨濤靜聽隔金沙
名山得住便清福莫問仙家與佛家

遊普陀山

秀水劉廷謨

名山屹立海中央漱水先聞勝地香金鉢盂中迎法雨
鐵蓮花上渡慈航紺宮碧瓦觀瞻遠異壑靈巖應接忙

安得紅塵無箇事披緇坐坐在滄桑

梵音洞

前人

高崖絕磴勢穹窿峭壁平分浩渺中
色相儼然波接引
洒來花雨化長虹

辛亥寄訊普陀法澤和尚

淳浦
蔡世遠 尙書

聞說小白華遠隔在滄溟日月生海東
沐浴於其境有
佛駕慈航渡蟻得依棲我亦慕靈奇
煙霞未曾領青蓮
應滿地紫竹想陰嶺潮洞吼雷音
菩薩觀自靜香舶十方來扶服爭禮頂
布帛施僧衣金珠妝佛頸

聖帝御八荒海晏波不逞無乃佛之靈
道法千秋永賜

金飾龍宮巍崇見蔚炳高掛旛幢嚴精進龍象猛住持
一老僧淨脩獨介耿昔年寓清泉咫尺頻過省澤公先
住余里
中梁山之清泉
巖往來甚密蓬戶與朱門心空視平等掘筍燒香厨
淪茶汲澗井塵尾暢玄風一拂塵根冷我不解禪機但
解禪心迴作別十年強普陀海冥冥慚愧作繭蠶表豎
猶畫餅夢寐遍羣蒙何時喚得醒寄訊鴈南飛開緘諒
首肯

干步金沙

鄞邑 李起隆

午夜波濤去復臨幾番洶汰見真心恒河無數雖云濶
不及滄涯步步金

光熙雪霽

奉化

鄔允祁

寒光曙氣蘸峯清碧落橫披列畫屏珠樹瓊花摩誥手
琉璃銀色化工成

蓮池夜月

奉化

鄔景曙

水蒲波澄月色明幽香遙拂晚風清忽驚身在蓮花上
更待何年說往生

至普陀

徐州

趙元吉

平波灩灩木蘭舟雙眼澄空萬里流貝闕天開煙島渺
香幢風動翠雲浮世間莫我憐青眼谷口逢僧話白頭
彼岸更教何處覓一聲鐘撞碧峯秋

贈普陀法雨寺澤公

徽州程侯本知府

如公般若允稱賢飛杖東來住石蓮
詔賜大盈金布地身爲上輩釋彌天
道通諸子敷高座悟徹旁宗斷野禪
藉指迷途登彼岸巍巍滿月自常圓

題梵音洞

三楚裴鉞總鎮

西方極樂國南海古祇林感應

宸多翰靈竒洞有音蔭垂雲冉冉花散雨森森
香動蓮非鐵光浮鉢是金願船通弱水彼岸露微岑
宿昔瞻慈相皈依繫素心况今銜

帝命符握近檀陰

題普陀

黃巖 朱國寶 遊擊

咫尺慈雲湧碧蓮旌麾海外接諸天風恬有象非空寂
濤響無聲卽大玄蜃氣已開香閣靜龍巖不隔洛伽懸
當年感入瞿曇夢早覺靈光一點圓

贈法雨寺法澤和尚

東粵 黃應熊 知縣

光熙峯靄嶺下有白雲僧塵尾談無相獅聲闌上乘諸
天明月朗大海濁波澄蔭注恒沙遍多欣彼岸登

丁巳長至爲澤公和尚賦

前人

慈航濟世始闢南丈室今同少室參了性天懷常自在
明心塵物絕無耽獅王出窟山精怯龍象當筵水拈慚

我亦時來瞻法雨禪房剪燭夜深談

光熙雪霽

馮天貴

千仞冰霜皎晴光豁兩眸餘輝凝寶地寒燄動珠樓玉
纍孤峯頂花開萬樹頭獨傳梅信早嶺外暗香浮

懷補洛

定海史節文進士

吾生知幻寄浮海竟爲家勝地隣相接仙山路不賒波
光凝曉日洋水浴蓮花但得烟霞趣無煩入少華

舉去山只一水耳

余家于航

丁巳過普陀贈澤公和尚

東粵黃藻舉人

我未來蓉浦輒仰洛伽山大士圓證所靈感遍塵寰今

秋齋心至得瞻自在顏陟歷諸勝境步步叩禪關香風
滿丈室花雨潤經壇結習消除盡心燈晝夜爛龍象當
筵坐無一野狐謹與公幾回晤塵懷釋萬端當時謝安
石支公相往還一日當千載形諸尺牘間我家阻東粵
安得常盤桓願從聞思入三摩地閒閒

題洛伽山

同安洪

龍

雲騎尉

洛伽山內碧雲陰洛伽山外碧海深海天雲樹標奇特
來往舟航潔素心憶自穉童頗知識久承先訓瞻佛德
荏苒光陰數十年浪遊宇內無定軾浪遊今值跨雄風
大士道場在眼中紫竹林邊飄梵明蓮花洋裏寄藤蘿

聞說蛟龍常出沒時爲行程作唐突數聲鐘磬達諸天
萬頃淵濤靜溟渤濃濃琥珀盪金輪冉冉珊瑚皎絕塵
瑤光寶塔撐霄出然燈慈筏照迷津佛岸傳來佛蹟幽
佛蹟因姑被嫂留申申嫂語相歸咎隨將其事喚道頭
方知一念堅誠向能邀佛力躬餽餉嫂氏空留口舌長
姑雖受短得靈貺我來蕭爽蒲林秋紅葉白雲兩颺悠
古洞靈光何處見乾坤納納一浮漚

題法雨寺

前人

金沙垂聖蹟寶嶼卽神洲佛地風波靜天燈日月浮水
中開淨土雲外渡迷流法雨當空灑千巖海色秋

遊普陀山

古閩

吳大勳 千總

洛伽山在海中漚佛國靈光護此邱寶蓋香花開大壑
寒潮日月起孤洲洞古時聞金相現林深惟覺白雲秋
我來直造磐陀頂萬里煙波一望收

至補陀

沈紹約

羣峯面面列芙蓉步入深青第幾重不信樓臺天際出
慣看花雨檻前濃潮寒晚落千層雪嵐翠晴開十里松
恭爲 聖朝多寵錫奎章高接紫雲封

贈法澤和尚

東粵

郭宗周

祖印當年翦草萊吾師重爲掃塵埃定時水月光長現

說處天花雨驟來香客每從叅佛偈
緇流咸樂禮禪臺
法王更得無言意拈取寒枝幾辨梅

賦贈澤公禪師

鄞邑 陳汝登

磨甃成鏡歷多年兩隻芭蕉憇水天
少室玄機宣講席
曹溪妙偈布經筵鸚哥石點頑頭數
靈鷲峯流法雨綿
作絮沾泥禪已定搖毫不續浣紗篇

遊普陀未得書呈澤公和尚

鄞邑 周式雅

海外名山古道場何時一葦渡蓮洋
莊嚴寶殿金輝耀
浩蕩

皇恩天久長潮落魚龍叅妙諦雷轟鐘鼓禮空王
翁洲

四載徒瞻仰不禁神遊到上方

遊普陀

同安許琰翰林

大壑懸崖古道場石蓮花頂錦屏張竹林人轉肩挑霧
檀樹僧歸衲帶香絕壁當街迴玉步平沙連海展金光
磬鐘定後諸緣靜孤月圓明挂上方

其二

問洞都奇問徑斜伏龍翔鳳足煙霞千重島嶼天更大
五色波濤日有華咫尺蓬萊猶杳渺東南砥柱故嶺呀
疑從此去銀霄近未乞天孫許泛槎

其三

小白華開祇樹林九重恩詔許鋪金
悟超色相空王法善滿人天

聖帝心鸚鵡鳥歸遲松寂寂龍宮潮
急洞陰陰振衣直恐山浮去長嘯煙
雲碧海深

法澤和尙出一軸見示乃余業師梁
邨先生寄訊詩也筆墨猶新不禁泣
然矣敬復步韻以紀山勝

前人

我來訪洛伽孤絕南海濱仙佛互爲
家縹緲非人境汪洋泛觴舫站站浮
寸梗登厓別一天耳目不給領雪撞
黃金沙雲眠白玉嶺潮囓洞逾幽樹
深巖故靜童子南

詢礁菩薩西來頂龍伏攫珠牙龜伸聽法頸怪石如降
魔獅象各露逞鳥聲說慈悲清圓鳴和永前後兩梵宮
金碧交映炳蹟古佛靈奇寺崇僧勇猛千古漢梅公官
微忠耿耿獨懷君國憂書奏朝不省隱淪豈素心甘與
漁者等漢社不可存天涯留漢井象教日以隆公獨香
火冷何必果成仙乃覺高風迴磐陀石一呼海天起杳
冥水鏡闢然生冰盤托素餅旃檀出暮鐘幾個下方醒
揮筆辱泉林未卜煙霞肯

梵音洞

前人

海岸窮危磴懸梯俯石缸洞從天半劈潮向閣陰縱皓

月浮金鉢閒雲宿寶幢
聯觀千百丈真覺毒龍降

潮音洞

前人

佛選千年地汪洋幻一漚
石連根盡嚙洞自頂俱浮梵
宇崇當代靈光始此邱
我今猶不肯臨去再三留

法華洞

前人

石竇穿門入便知斯境奇
徑紆皆見洞泉迸又成池樓
喚潮來近樹留雲起遲幽探
那得足暮色遠迷離

觀音洞

前人

地勢磨旋海巖形笠覆僧路危
侵葉過嶺峻挾雲登鳥
向歸龕佛龜呼上岸明不因留聖蹟
雕鏤恐無能

洞外有鸚鵡

哥石及二
龜聽法石

梅岑菴

前人

青林長秀蔚蒼嶺故紆迴井地猶存漢山岑尙姓梅抱
忠徒海窟避世且雲隈千載真冰玉桐江亦釣臺子陵爲梅壻公女

伴山菴

前人

石徑凌煙入禪扉傍竹開花侵香砌出泉過飯厨來地
僻雲爭宿林深鶴易回伴山今日伴踪跡梅塵埃

朝陽洞

前人

洛伽分秀氣海岸一峯懸建刹疑無地穿樓別有天白

知潮欲響紅見日初然心境兩俱寂眞堪靜者禪

重修南海普陀山志卷之十八終

重修南海普陀山志卷之十九

粵東歸善黃應熊飛渭叅定

古閩同安許琰瑤洲編輯

法雨住持釋明智法澤校訂

釋氏詩咏

送僧禮普陀

宋

石屋珙

春潮日夜吼雷音耳聽何如眼聽親
小白華山觀自在頻伽聲裏現金身

送忠公自楚禮普陀

以下明

釋洪恩

窮諸玄辨究三車煙水南詢問洛伽
月滿吳江孤杖履

雲深楚澤拭袈裟鯨浮島嶼觀非相蜃結樓臺幻有家
到處總堪成汎應寧知踪跡是天涯

送炯侍者禮普陀

釋德清

孤懸不動白華山滿目寒空大士顏若到崖邊相遇著
分明莫作等閒看

贈勝林法侶

前人

普陀崖下白華村日夜潮音誦普門試問菴居何所事
幾回鸚鵡報黃昏

送千如法師之普陀山

釋佛引

一葦波濤穩圓瓢隱洛伽火龍歸綴鉢海蜃避袈裟紫

竹朝迷霧青蓮
呪映霞夜深山
殿寂皓月印金沙

過普陀晤潤田諸兄作

釋性冲

紺宇鬱崔嵬
彤雲映碧輝
龍將海藏出
馬負竺書歸
天樂尋香牒
濤聲撼翠微
高僧禪寂處
島鳥傍人飛

春日歸普陀

釋如泉

擔簦北海客
蹉跎鼓枻南溟放
浩歌厭俗懶于譚
小品待時偏擬泛
長波鐘鳴曉日開
香積雨過春池長
芰荷到此最堪稱
大隱且將瓢笠挂
藤蘿

同秘藏休遠慧舟禮南海

釋正昇

白華遙望海中央
一蕙波濤泛夕陽
千步金沙從地湧

百尋寶塔入天長
龍宮幢蓋侵琪樹
蜃閣煙雲雜梵香
喜與同袍叅大士
晴空親覩玉毫光

昱光上人自南海來清涼將圖南別賦此送之

釋鎮澄

清涼南海兩名山
萬里區區獨往還
信有如來真勝蹟
肯將行色畏投艱
大悲深廣誰能到
妙智孤高爾欲攀
爲憶善財珍重去
丈夫須透死生關

同充菴師南海

釋弘寅

爲禮慈悲相隨師
泛海航鉢分寒浪
月衣染白華香振
鼓神龍集鳴鐘
怖鴿翔願持甘露水
徧灑獲清涼

宿白華菴訪贈朗徹禪師

釋來向

未覩慈顏禮洛伽
白華林裏道人家
峭崖鑿透千年石
古樹鋤開萬丈霞
舌卷潮音談妙義
塵揮雲影笑空花
相逢洗我風塵色
夜靜燒鐺雪煮茶

遊法華洞

前人

別是一天地
蒼茫入夢間
白雲翻石浪
青靄斷松山
逕倒扶藤上
林深撥霧攀
洞門塵迴絕
皓髮老僧閒

禮普陀

釋道貞

攢峯峭壁勢排空
大海中間山最雄
蛟蜃結樓雲湧黑
龜鼉搗浪日翻紅
潮聲夜落龍吟外
天籟時聞僧梵中

何必辛勤求解脫耳根觸處卽圓通

禮南海過無用師靜室

釋圓復

幾年禁足向巖阿茅堂土壁藏煙蘿怪路崎嶇不可到
孤峯突兀懸殘照風度旃檀徧海香雨滋下界盡清涼
修竹陰森爲淨土寒流涓滴成甘露刺血揮毫滿梵筵
我一見之心茫然信心苦行真超異諸佛同聲授師記
趺坐經行歲月長苔侵瓦鉢石支牀休論彈指超無學
會見心空齊妙覺何當分手各西東悵望雲山千萬重

山居雜咏

釋海觀

是山俱可住何必向崆峒倦倚梅岑樹閒看海濤風一

徑通籬落兩石峙西東偶然捧書卷隨意就陰桐

其二

支遁買山隱我欲躡其踪因思普陀近常聞聒耳鐘檻外饒綠筠牆下有流淙柴門不須掩依仗白雲封

其三

夜分猶不寐起來步林月歎息勞生擾顧影慚白髮寒威侵逼人覓火燒棉袖烘罷上禪床挺挺脊梁骨

送別公和尚住普陀

以下國朝

釋如玉

偶然相值東山東一言未吐識英雄筆底青雲三萬丈胸懷明月照秋空方今法道如累卵我與陳公心自同

强君普陀立表幟
慧祖一脉續高風
脚頭天地空今古
竚看鐵骨撐寰中

贈潮公和尚

釋本晝

幽典令人不自降
寺門圍入海山幢
月輪可比驪珠大
永夜無聲對客窓

戊寅春日祝潮公和尚壽

前人

天蔚藍兮海琉璃
孰能耳覩眼聽之
中有鼉鼓催龍旂
鳩盤羅刹爭依歸
雲端樓閣經彩霓
島山小大浮蛤蜊
跏趺旦夕身且遺
松杉幢立春日遲
真歇古稱禪白眉
家風異代方力追
義和鞭採扶桑枝
要驅日月定四時

大通十劫僅一炊此事人間信者稀千里吾宗駒更誰
金峯坐斷何屣屣

祝別公和尚壽

釋至善

白龍騰御五更風佳瑞宜將北海東莫訝嵐園當日事
而今已自出蠶叢

寶陀寺

前人

閒搜華藏卷廿八乃斯鄉翠擁庭垂蓋白吹池散香人
歸鐘磬悄雲定薜蘿荒歇老提綱處誰爲再舉揚

十二景

存二

釋幻敏

濃濃淡淡隱巖龕重若凝雲輕若嵐分付巽郎勤蕩拂

毋令雀舌減餘甘

茶山風霧

數椽巧構傍山成
煮茗頻煨折脚鐺
七椀興濃猶未已
清風習習淡煙橫

靜室茶煙

留別潮公和尚

釋元盛

天際芙蓉暮靄清
羣山萬疊雨初晴
金幢玉座香雲滿
絳闕瓊樓皓月明
向以疎慵忘主客
今從患難見交情
孤鴻避弋辭滄海
風雪飄飄賦遠征

登白華山贈聞先禪師

釋立德

高懷人不識知喜對沙鷗
屋氣浮金鉢
潮聲吼石牛
雲開山洞曉
月出海門秋
時立梅岑上
乾坤雙眼收

禮梵音洞

釋超眸

買得扁舟到洛伽羣峯日日繞煙霞乘雲已上磬陀石
躡蹻還過千步沙頻禮斷崖思現瑞卻憐老眼未生花
衰殘不禁忙回首萬里滄溟水一涯

咏沼荷

釋德介

梅岑沼內荷成樹紅白相兼密無數當時遣戍及茲山
根蒂無存棲白鷺十年得復返山廬亭亭發育仍如故
是知劫運轉滄桑有根爭似無根固蒼穹宏被豈尋常
珍重花神惟養素故人邀我入香風幾欲隨流乘杯渡
松濤謾謾空谷中默自躊躇終懶步寄語海南學道人

好向池邊覓詩路

旃檀精舍口占

釋照機

風景只年年
盈盈白髮鮮
竹窓遙聽水
清沼懶栽蓮
日月閒中擲
煙霞世外妍
罷琴惟繡佛
諸事不相便

其二

世外多幽賞
林泉事不羣
春來啼舊鳥
雨過起新雲
玩水知魚樂
聞香愛蝶醺
此中何不悟
指掌示于君

題玉堂街

前人

誅茅斲石見康莊
以字題名示不忘
從此脚根歸正路
濤聲山色轉風光

過普陀訪潮公和尚

釋元璟

杯渡南來情亦深，洗空雙眼聽潮音。
卷回石穴層層雪，踏去沙灘步步金。
才憶五臺歸化宇，又凌孤岸寫虛襟。
名山偏鮮留人住，細雨松窓自在吟。

同珂月師登磐陀石

釋上繼

久切磐陀勝，携筇一過從。
禪心澄海月，詩思老雲峯。
林靜馴幽鳥，風高落晚鐘。
主賓松下坐，嘯咏悟真宗。

紅白荷花次檠山和尚韻

釋通旭

輕陰縹緲水雲長，素艷殊根一種香。
和月麗時渾欲語，回天炎處故生涼。
瓊臺剪落霞千片，鏡面飛來鷺幾行。

夢蝶緣春尋不到祇應珍重伴空王

息耒園漫賦

前人

民生事隴畝老我賦歸來愛此一片石多種幾株梅石
可和雲坐梅能傲雪開地寬宜補竹徑僻易成苔堅勁
孰可擬一日幾徘徊

西天門

前人

誰謂天無路天門此地開青冥通帝座杳靄瞰蓬萊有
響音俱梵留丹仙是梅磐陀說法處猶在白雲隈

己巳三月朔日

上遣侍衛臣資帑金至山恭紀

釋性統

山陬海澨外野納卧雲深久斷長安夢何期天使臨星
趨勞驛駟風偃拜綸音瓦礫生光彩

皇恩爲布金

其二

天威原咫尺鳳詔下林臯引道惟金錫環亭盡錦袍

時

率千僧至矩姑道頭迎龍亭天使侍
亭左右總戎黃公率兵將千餘庀從朝臣宣

聖德野逸沐恩膏花鳥陪人笑殊增意氣豪

其三

邱壑千尋峻場開不二門當朝逢

聖主萬代奉慈尊海閣晴霞映蜃樓曉日吞蕭蕭多寂

寶此日遇殊恩

癸未春

聖駕南巡恭進

萬壽詩一律

前人

六龍駕日九重開
皇覽欣逢東狩來
紫殿遙瞻臨北極
黃河新見會逢萊
三春柳色浮天仗
萬里桃花入壽杯
共聽簫韶看舞鳳
華封到處動春雷

題普陀山

前人

熙朝鼎運海雲開
朱屐欣從破綠苔
斷砌旌旗橫麗日
虛堂鐘鼓震春雷
廣傳衣鉢賢王澤
遙溯源流大帥才

佇聽金雞清報曉九垓應效舞三臺

潮音洞

前人

鐵瓦翬飛久不存金光重現荷

皇恩欲知大士今何在淨聽潮聲撼海門

玉堂街晚步

釋照能

地分世外傲羲皇杖履何緣步玉堂花鳥文章泉石史
歸來滿院薜蘿香

至普陀山

釋元志

洛伽名勝冠支那宸翰奎章寵錫多老栢雲中掌佛
日疎鐘月裏咎鯨波煙橫島嶼香航集梵響樓臺野客

過莫訝好山登眺晚凌空紺殿愈嵯峨

喜至洛伽山

釋濟成

潑天風浪渡東洋千里須臾到上方紫竹有時常現瑞
白花無地不生香鯨吞海印三秋月日射金盃百道光
始信洛伽隨處好石頭坐坐也清涼

歸山重栽剪鑑池梅

釋隆壽

適土無如故重來憶舊時欲仍幽徑趣先植早春枝香
國人難到冰心我獨知滄桑何足計面水問鬚眉

和本師重栽剪鑑池梅韻

釋能學

古徑重開日依然是昔時乍添新月影看發舊花枝野

鳥休先覩閑雲許共知孤根欣有託晨夕伴鬚眉

題隱秀菴聞上人五世圖

釋智杻

華藏老人悟道妙大闢宗風臻玄奧現身說法天雨花
六變震動感神廟宣勅發帑建普陀珠宮紺殿何嗟峨
慈雲萬古垂不朽老人慘澹經營多喜靜厭煩思宴息
謁者張公擇所適白華西畔剪荆蕪精舍初成開胸臆
滄海潮汐任西東花香煙氣自朝夕令嗣養元光先業
名藍重創直赫奕一自海氛起劫灰民廬僧舍皆殘摧
雲山無復舊輪奐負鹿遊猿嘯蒲蒿萊王師南下揚神
武樓船飛渡柳兕虎海甸重沾日月光復興棖桷何辛

苦聞先大師大士身後先創業非等倫五葉慈顏足千古浩蕩助猷難具陳

贈別菴和尚

釋湛碧

杖錫飛經棧閣東彩雲捧出白華峯鯨吞滄海三千浪龍卧青山百萬松池上拈花霞影照堂前說法水聲淙客來借問分真跡大智燈輝大慧宗

尋真歇菴懷古

釋永道

波中卓錫破天荒祖道于今日更彰欲訪幽棲遺老盡寒雲冉冉水湯湯

題鏡花院

釋本學

漢室神仙地梁朝大士家欲窮仙佛迹會取鏡中花

青蓮閣

釋明慧

幽勝青蓮閣推窓烹茗劇花開且共看不必問花落

遊梅灣

前人

梅花萬樹滿前灣仙尉于今丹竈閒春色自來還自去何曾一片落人間

遊法華洞

釋明成

携筇尋古洞平挹萬峯頭樹樹煙中出山山水上浮雲深苔徑滑地僻鳥聲幽茅屋藤蘿秀青紅挂老秋

春日訪潮音和尚

釋元龍

蓮花洋口立羣峯船到峯前起暮鐘
三里白平春雪路
一林青豁寺門松海天飄渺乾坤曠
臺殿崔嵬花雨重
爲訪故人來勝地法鐙復見振南宗

遊普陀

釋空瑞

立徧奇峯怪石巔何如此地白華懸
四圍松竹分雙寺
萬頃煙波湧一天好鳥臨風聲欲細
閒花得雨色增妍
優游不覺忘塵世携杖吟哦興自然

圓通大殿落成志喜

釋心明

廿年荆棘地此日見禪林

聖主恩流海宰官信布金
開香靈鷲舞聽法毒龍吟
自

知微願力不負報師心

八卦石

釋源法

怪石萃中峯巍然居山頂猶如章甫冠彷彿九州鼎日月聽盈虧滄桑隨萍梗不知伏羲前此石名何等

觀音洞右二丈許何易崖欲築小亭于坪之上咏之
前人

遊山周四際載行復載坐瞥然得異境有徑仄無奈平
平倚奇崖丈許量可過佳木蔭婆娑宜添亭一箇海天
四面寬重峯愛森播高者愈昂頭低者若依和浮藍點
點生目中看小大徘徊立良久有亭實爲佐洋洋山水

情來往隨饑餓指點三神山秋毫可矚破

圓通殿前左右石階成口占

釋源鏡

久沉浮幻宅垂老入幽岑矢直疑雕玉砥平勝布金聖
凡同托足夷險莫關心化日光天下同登大覺林

白華菴大悲閣成賦贈耆英長老

釋明果

香閣嵯峨倚翠岑善財好向此中尋松濤午夜穿窻冷
竹影高低入座陰捲幔時觀滄海濶凭欄始覺碧雲深
愛君手眼通身是携杖頻來話素心

春日訪梅岑菴題壁

釋法湜

行義何妨又潔身梅花獨占首陽春尋來丹井今猶在

無復當年跨鶴人

普陀偶成

釋源如

山浮波面翠連天
惟識當年花雨鮮
一自普門親指出
腳根到處湧金蓮

觀音峯

釋通樹

何故不肯去中流
砥一岑海潮日夜吼
傾盡大悲心

達摩峯

前人

嵩山人似壁補洛壁
如人獨立孤峯上
誰逢慈嶺身

正趣峯

前人

遙憶南詢子
東方特特來
憑空長在定
星月夜登臺

真歇泉

前人

始倡宗風地人名泉亦名洪濤千萬頃何似一泓清

千步金沙

釋通順

誰把珠沙布得成傳聞佛步此中行捲將浪影千尋白
鋪就潮痕一片清不管晴陰雷慣吼纔交子丑日先生
想來淨土貪癡淨滿地黃金却不爭

九日登菩薩頂得東字

釋常譽

絕頂雲深處登臨興倍雄水明天際碧霜薄樹頭紅萬
慮一身外千山四望中天菴容我住歸懶下山東

陀峯觀日

釋演靜

旭日將生海半紅飛身三耀上天東一時萬國開幽昧
照得繁華世界同

甲申至補陀

行童心鼎

總角隨師履舟行至海南所經疑故里相見宛同叅示
幻全知醒問心杳莫探夜深學趺坐明月入松龕

重修南海普陀山志卷之十九終

重修南海普陀山志卷之二十

粵東歸善黃應熊飛渭叅定

古岡同安許 琰瑤洲編輯

法雨住持釋明智法澤校訂

讚偈

觀音讚序

節略以下唐

獨孤及

寫菩薩之真相等觀音之全身于是乎諦觀慈容瞻仰聖位知海潮之梵音不遠蓮花之法座可識將令功德池水灌溉其三業菩提根芽發生于一雨

觀音大士讚

有序

王勃

蓋聞圓通大士乃號觀音接物利生隨機應現向乾坤
東畔娑竭海中雲濤湧金色之山聖閣起琉璃之界巍
巍寶座凝然居自在之身蕩蕩慈容皎若現白衣之相
身挂雲羅素服藕絲織而色映寒霜體嚴瓔珞同心衣
縷盤而麗晶皓雪翠迎仙鳥五雲之寶蓋玲瓏艷迸摩
尼百寶之華冠赫奕橫纖黛如海門之秋月初彎目
紺重瞳似水面之青蓮乍秀齒排珂玉舌縈紫檀丹珠
一點艷頻婆兩臉朦朧勻琥珀向淨綠波上圓相舒而
有金毫玉毫虛白光中勝境現而有佛界仙界于是雲
雷吐辦宣諸佛秘密之金言釋梵雨華嘆聖德希奇之

妙事獻寶兮有龍王龍女奏樂兮有天仙地仙向孤絕
迴處作津梁于浩渺波中板急難尋聲救苦赴感隨緣
如萬水之印孤蟾似洪鐘之應千谷悲心誓救于娑婆
遺教遍臨于穢土誠以周塵周剎普應普觀無遐無邇
盡皈依有願有求皆赴感河沙功德億劫難量遙望洛
伽之山稽首聊申歌讚南海海深幽絕處碧紺嵯峨連
水府號名七寶珞伽山自在觀音于彼住寶陀隨意金
鼈載雲現兜羅銀世界衆玉裝成七寶臺真珠砌就千
華蓋足下祥雲五色捧頂上飛仙歌萬種頻伽孔雀盡
來朝請海龍王齊獻供寶冠晃耀圓光列瓔珞遍身明

皎潔臉如水面瑞芳蓮脣似天邊秋夜月繡衣金縷披
霞袂縹緲素服褊袒臂玳瑁珂珮響珊珊雲羅綬帶真
珠綴紅纈十指凝酥膩青蓮兩目秋波細咽頸如同玉
碾成羅紋黛染青山翠朱唇艷齒排玉珂端坐昂昂刼
幾何化身百億度衆生發願救苦等恒河我慚我愧無
由到遙望觀音悲讚歌大聖大悲垂愍念願舒金手頂
中摩按前志謂此作語皆鄙俚竟將菩薩認爲女身考
勅集中並無此文遂徑削去然菩薩顯應實化女
身刻畫之過流於鄙褻耳第詞筆淺弱
其爲質托無疑舊志錄傳已久始存之

留題寶陀禪寺碑偈

有序
以下宋

史

浩

太師

紹興戊辰三月望鄱陽程休甫四明史浩山沈家門泛

舟遇風挂席俄頃至此翌早恭詣潮音洞頂禮觀音大士至則寂無所覩炷香烹茶但枕面浮花而已歸寺食訖與長老瀾公論文殊揀圓通童子入法界事晡時再至洞下俯伏苔磴凝睇嵌空惟亂石纍纍典盡欲返有比丘指曰巖頂有寶可以下矚扳援而上瞻顧之際瑞相忽現金色照耀睂目瞭然二人所見不異惟浩更覩雙齒潔白如玉于是咸懷慶快作禮而退旣而泊舟還甬東懼此語無傳用書于壁庶幾來者觀此無疲厭心不以一至不見而遂已也廼作偈曰稽首寶陀山觀音大菩薩三十二妙應垂福于人天慧日廓圓明微隱無

不照我等由宿植于菩薩有緣曩書一毫端菩薩悉能
鑒今茲一何幸聯檣來寶所椒景得惠風滄海如鑒淨
朝發東秦岸須臾達蓬宮僧飯洗鉢時相與瞻遠嶠石
橋跨巨浪側足毛骨寒自念塵全身得伴清淨侶同聲
諷密語復念我師名注目謁慈光忽覩紫金相崆峒石
窟上宴坐自在容雲霧不蔽虧跪禮得良久偕來無老
稚咸識應現尊讚歎且忻歡得所未曾有我念現前衆
中多大福人日親近我師所禱如響應爲我懺衆惡遂
亦見如來同辦起心香復陳一日供倘以昔積善獲此
大吉祥願敦未來因永託如來記浮生如夢幻孰處放

生戒戒殺多素羞廣閱如來藏分陰實可惜棲遲必山
林料理般若船長登菩薩岸羣生迷苦海拯援使知津
共發向上心世世同佛會

觀音大士贊

天目禮

千丈白華崑回頭冷眼看天龍如領會滄海亦須乾

觀音大士贊

以下元

萬峯蔚

白浪生神足衣珠泛海風寶陀山頂月無處不圓通

觀世音菩薩補陀巖示現偈

中峯本

妙圓通體超諸礙包裹色空含法界見與不見二俱離
始識大悲觀自在琴軒居士佛眼通白華巖畔追靈蹤

狹路相逢避不及似鏡照鏡空合空引墨援毫書所見
揭破浮雲呈日面盡十方空一普門妙相塵塵俱露現
梅花山裏老禪翁滄海一粟夫子馮浩浩春雷鼓筆舌
巨篇長偈真英雄俾我重圓末後句口縫未開先吐霧
若以耳聞非所聞不以耳聞非所據我昔曾遊碧海東
海王抱日扶桑紅怒浪搖金光閃爍照開朵朵青芙蓉
無位真人潛洞府洞裏潮音喧萬鼓珊瑚樹頭月徘徊
水晶簾外蛟龍舞波神拔劍驅長鯨吞空浪雪粘青冥
撒出龍堂珠萬斛寶光射透琉璃屏法身驚入一毛孔
一毛孔裏波濤湧爾時大士失卻磐陀石上吉祥草與

蒼葛華但見土煙翠霧埋雙踵有眼共見耳共聞妙圓
通體鐵渾淪最初末後句非句萬里潮聲撼海門

應制聖母印施藏經讚

有序以下明

申時行

大學士

臣等竊聞釋教來自西土興于東漢其說主清淨出世
帝王所不道然而訓化廣大義旨遐深要歸于澄徹心
性利濟民物是以雖當儒道昌明宇宙淳和之際而其
道不廢大乘般若以來祖祖相承心心相印卷帙益多
裒爲大藏總持禪言武庫莫方其富尊函禁地緇流弗
覩其全非俟上聖垂仁曷以播宣斯理我聖母慈聖宣
文明肅皇太后德冒人寰功周法界融最上之真諦懷

大覺之宏慈乃印施茲藏以祝延我皇上無疆之歷而推其餘以佑國庇民意甚盛也臣等因得涉獵稍窺玄微似于儒理亦有相發明者焉謹對揚皇上之休命奉宣聖母之德意拜手稽首爲讚曰粵惟聖道如日麗天萬有畢照誕被八埏亦有釋教如月破闇接引未來超登彼岸於皇聖母毓成帝德治化丕覃億兆寧一載宏願永拔沉淪外息諸緣內淨六根嘉與衆生永臻覺路皈依十方如寐得寤諸佛妙義如恒河沙示權顯實會演三車微塵國土徧蒙佛力一一國土皆聖母德微塵世劫流布施經一一世劫皆聖母齡廼惟本願爲帝

祝釐天子萬壽與天巍巍載惟本願爲民祈福天子惠民澤施滂漉匪民是庇國祚茂延助我聖道日月並懸是藏流行無界無境施者功德亦莫究竟

勅賜南海寶陀寺藏經頌

有序

屠

隆見前

夫如來之教勝殘化暴徹蓋導迷以清淨爲本以觀照爲功上則入流證聖得以超劫越塵下則去垢離嗔賴以懺魯寡過羽翼儒教弼助皇化偉彼功德作我津梁矣然世必賴明王詰后信奉皈依植慈氏之藩籬爲人天之眼目然後士庶雲涌善信波馳興起因緣宜暢教典所關繫詎細故哉恭惟皇上握乾符承泰運敕寧億

萬紹隆三五乃于萬幾之暇凝神立默究心禪宗欲以
闡揚三寶法式九圍尊奉慈聖皇太后懿旨特頒詔勅
印施前後藏經若干函到洛伽山寶陀禪寺僧衆踴躍
龍神懽呼東方臣庶始知楞伽之教果爲苦海寶筏其
在聖主尙爾尊崇况我庸愚詎敢褻慢大教興起玄風
遐暢化行俗淳德厚刑措於都哉美矣盛矣草莽臣隆
于是以手加額稽首作頌曰皇帝在宥風翔化溢乘日
之車鸞霆駛疾不鞭而馳不教而率翼而助之厥惟能
仁以淨治垢以慈治嗔以真治妄以解治勞巨周沙界
細入微塵消煩達滯揭冥破昏超出橫豎師表天人乃

有冥頑姦凶暴鑒賞不能勸刑不能艾或因慈氏掀翻
銅蔽自投三寶稽首懺悔無明爲障積業隕福歷劫輪
轉曷絲拔足皈仗大悲永超五濁或修六度或行十善
證聖像流大道是踐行解相應諸佛立現譬如飲海各
滿分願善哉聖力徧覆大千皇德閎鉅與佛齊肩綿歷
永祚億萬斯年

補陀觀音大士頌

有序

前人

夫理有去來宏通之機斯顯位有權實圓明之妙無方
觀世音菩薩者古正法明如來也如來實相旣已臻無
上之尊菩薩應權乃退處大乘之號行教暫遜其權證

道無改其位蓋如來體尊尊則下土多于敬畏菩薩地
近近則衆生易以皈依而觀世音心珠朗耀齊妙覺以
證三摩性海澄浹超聲聞以圓四智故善財徧參其妙
法來諸聖之欽崇釋迦授記以圓通同文殊之廣化般
若義深善得法門無漏仁慈觀熟偏于此土有情揭暗
破昏高懸慧炬消炎救苦普施津梁威音伏衆刀兵水
火潛形勝力降魔羅刹鳩盤拱手誦白衣之號則孕嗣
充間望紫竹之林則漂舫及岸百戰猛夫覩蓮花洋而
魄褫九幽獄鬼洒楊枝水而魂甦凡夫苦行薰修頓叩
香臺法座居士志心悲仰立見聖相圓光梵羅銀界琉

瑯嵌七寶雕牀華蓋金幢瓔珞映五雲錦帶西成道于
天竺迦毘之種旣已星奔東顯化于洛伽娑婆之衆益
以泉涌偏陬陋壤被功德者無涯愚媼村氓奉香火者
恐後照深潭潭潭見月月止一輪燕寶鼎鼎皆香香
無二性真妙莊嚴無復唐捐藏秘密不可思議者矣于
是弟子敬薰沐和南作頌曰大哉法王子累劫行薰脩
想觀旣成熟漏盡得無礙圓明了一切十方咸照徹刹
那千手眼或億萬化身恒河沙世界悉歸掌輪中大千
蠓蠓形亦如蠓蠓響所有微塵衆如來悉見聞所見亦
非目所聞亦非耳由通妙明性而融耳目相隨物皆應

現巍巍不動尊尋聲救苦難疾于激弩矢誓拔度衆生
普徧娑婆土乘彼宏願力不得所須譬如汲海水盡
甕鴛鴦咸令滿足去大海不減損願苦惱衆生一心
歸命禮或頌呵哩耶或稱帝濕伐觀音胖蠻至板汝出
苦海

按赤水此序及緣疏平仄粘頂每有不協但
氣格尋宕不失才人本色故依舊志錄之

補陀山觀音偈

有序

釋性徹

余洪武十七年孟夏上旬泛海遊山諦觀聖境頓見水
天一色淨若琉璃萬象森羅炳然齊現所覩靈異難以
具陳是故踴躍歡喜不自知形身在人間世也信知如
來說華嚴時入海印三昧豈欺我哉再于己亥冬夢遊

是境與昔無別遂乃焚香遙禮輒伸鄙見說偈贊曰菩
薩常居娑竭海慈悲願宏無向背分明化影滄海東應
現諸方無不在所證三摩地那分西與東突出摩醯眼
八面虛玲瓏海印發輝炳然現懸河四辨明真宗花開
小白巖天香吹徧界紫竹旃檀盡作林孔雀頻伽歌梵
唄昔年親曾海上遊靈山倒卓波面浮可是圓通真境
界白衣妙相乘蓮舟四圍縱周覽浩渺難可窮上極通
霄漢下瞰龍伯宮波光瀲灩吐陰火潮音日夜號天風
雲鋪白銀界地布黃金沙琉璃相間錯有若優曇花磐
陀上看扶桑日紅輪湧現猶天車覽斯妙境非實相普

門示現如夢想幻出樓臺縹緲間寶網珠光遍輝朗聞
聲豈是聲見色原非色別是一壺天智識誰能測經行
宴坐水晶宮受用風清與月白十聖及三賢到此應難
渡萬派洄漩任參互潛流密布四神州潤濕羣萌爲雨
露我今親禮贊惟垂遙鑒知徹底揭翻生死海普令頓
證佛菩提

禮觀音大士偈

釋傳燈

稽首觀音大悲之主我今說偈畧讚所以所以者何所
謂三摩菩薩證入常住寶陀寶陀山在今之南海世界
有壞此山不毀山居世界云何不壞誠由菩薩心得自

在心自在故山亦堅固境卽是心迷亦成悟故菩薩身
坐紫竹林微風吹動常演法音金沙布地七寶爲砌功
德之香白華泛瑞青青楊柳四時常有水盈淨瓶塵不
能垢潮音洞中常顯神通出沒無礙其猶履空盤陀石
上毫光常放一切衆生莫不仰望以仰望故來者沿路
爲求菩薩作彼依怙菩薩大聖感無不應隨彼所求惟
願是聽欲演法音先爲現身十法界象不出一心蓋此
一心具無量身此一一身橫廣豎深此一分心誰人不
有衆生徇生自生過咎菩薩妙智不同于世從聞思脩
入三摩地無量劫中證此圓通超世出世異而復同以

由同故能覺迷悟衆生蒙此遠離恐怖故菩薩身或現
千手無非示現衆生本有于一手各有一眼衆生千
現亦復不減從此一千增至八萬普令衆生卽心成辦
蠢蠢之曹各具塵勞卽障顯德道固非遙旣現身已乃
爲說法大小偏圓渡河之筏身而無身說而無說澗畔
松風水中明月以無身故無所不身高低嶽瀆普現同
春以無說故無所不說遠近潮音出廣長舌卽此形聲
號曰普門我于日用無不見聞惟願菩薩令我開悟一
超直入妙莊嚴路

觀音大士像贊

以下
國朝

釋性統

寂然不動感而遂通耳觀無盡眼聽何窮惟一音之妙
入廣慈渡于寰中

繡觀音像贊

前人

用手把針以針引線誰爲此繡成背面紫竹林中潮
音岸畔呼彼善財鸚鵡隨現手中童子送將來珍重老
婆心一片

觀音大士像贊

釋空焱

音不屬聲觀豈在眼音空無聞觀空無見音與觀通觀
由音顯音觀清淨聞見圓徧一及十百百及千萬萬及
億萬無量方便寂滅慈悲廣大靈感若能如是見觀音

十方刹土毫端現

附

朗徹禪師剪鑑池贊

以下

晉江

張瑞圖

大學士

泓然而止廓然而虛不取于相如井覩驢中有金鱗破網而出雲行雨施非池中物

前題

閩中

曹學佺

池水之清可鑑毛髮匪方匪圓剪之如法上人休心息影其中八功德水隨取無窮

前題

華亭

范允臨

一泓澄然月印千頃非止鑑心亦能留影剪破荇萍虛空如璟酌以醍醐沁然灌頂

前題

陳繼儒見前

俗侶去閒雲留水洗耳石點頭朗和尚百無求

附

奇峯禪師像贊

慈谿姜應麟都諫

謂像真耶本來是空謂像假耶儼乎其容既文既慧允
穆允恭住持方丈紫衣是榮晚年精爽詩詞益工澄心
而坐瞑目而終合山大德罔不信從故咸禮其像而尊
敬之曰者老和尚海上奇峯

重修南海普陀山志卷之二十終

普陀山志

卷之三

贊偈

主